



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXVI. Extentio Indulti Magistris Generalibus Ordinis B.M.V. de Mercede
Redemptionis Captivorum a Sede Apostolica concessi celebrandi, in
privatis Oratoriis Conventuum dicti Ordinis, in quibus eos ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

cha Ecclesiæ Ulixbonensis Occidentalis, qui aliquin peculiaria juxta Constitutiones Apostolicas ad Cardinalitiam dignitatem requisita habere debeat, in amplissimum ejusdem S. R. E. Senatuum in altero immediate sequenti Concistorio cooptetur, eique suo tempore, servataque consueta forma, unus ex Cardinalitibus titulis assignetur juxta Constitutiones fe. re. Sixti Papæ V. Quod si nulla adsit, eandem Catholicis Nationibus impertiendi Apostolicæ benignitatis gratiam opportunitas, tamen per anticipationem etiam non semel, & quoties opus fuerit, faciendam in Sacrum Cardinalium Collegium adscribi, ea quidem lege statuimus, ut quoties vigore præsentium laudatæ Apostolicæ beneficentiæ testimonia acceperit Natio Lusitana, toties nulla eidem obsecundandi ratio habeatur, cum opportuna gratificandi aliis Nationibus, aut Pontifici ipsi, qui Patriarcham S. R. E. Cardinalem declaraverat, aut sibi succedentibus pro tempore Summis Pontificibus se obtulerit occasio.

Non dandus
locus Coad-
jutoris, nisi
causis cogni-
tis in Consi-
torio Secreto.

§. 3. Porro huic Pontificiæ nostræ concessioni providentiæque motu proprio, & ex certa scientia, ac matura deliberatione nostris, ac de Apostolicæ potestatis nostræ plenitudine initæ tunc locum esse statuimus, cum supradictam Patriarchalem Ecclesiam Ulixbonensem vacare contigerit, translationibus, & dimissionibus omnino exclusis, nisi tamen ad dimissionem admittendam causa adeo urgens publica, & necessaria sit, ut serio expensa, neque etiam per Suffraganei Antistitis subsidium Patriarchalis Ecclesiæ indigentis occurrere possit, atque in secreto eorumdem Venerabilium Fratrum nostrorum S. R. E. Cardinalium Concistorio, ac ab ipsis pro tempore Romanis Pontificibus comprobetur; Sicque futuris perpetuo temporibus a nobis Successoribusque nostris servandum esse decernimus, & statuimus.

Hujusce con-
cessionis fir-
mitas.

§. 4. Decernentes pariter easdem præsentis litteras semper firmas, validas, & efficaces, fore, suasque plenarias, & integros effectus sortiri, & obtinere; sicque, & non aliter per quoscunque Judices Ordinarios, & Delegatos, etiam causarum Palatii Apostolici Auditores, ac ejusdem S. R. E. Cardinales etiam de latere Legatos, & Sedis præfatæ Nuncios, aliosque quoslibet quacunque præminentiâ, & potestate fungentes, ac functiones, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Obstantium
derogatio.

§. 5. Non obstantibus Apostolicis, ac in generalibus Conciliis editis Constitutionibus, & Ordinationibus super præmissis disponentibus, quas omnes quatenus præsentis Constitutioni in aliquo adversantur illarum tenores pro plene, & sufficienter expressis habentes, etiam si de illis specialis, specifica, expressa, & individua de verbo ad verbum non autem per clausulas generales idem importantes mentio facienda esset, omnino abrogamus, abolemus, & annullamus, ceterisque contrariis quibuscunque.

Transumptis
fides danda.

§. 6. Volumus autem, ut præsentium litterarum transumptis, seu exemplis etiam impressis manu Notarii publici subscriptis, & sigillo alicujus Prælati, vel personæ in Ecclesiastica dignitate constitutæ munitis, eadem prorsus fides ubique locorum tam in judicio quam extra illud habeatur, quæ haberetur ipsis præsentibus si forent exhibitæ, vel ostensæ.

Clausula.

§. 7. Nulli ergo omnino hominum liceat hanc paginam nostri Indulti, dationis, concessionis, derogationis, decreti, & voluntatis infringere, vel ei ausu temerario contraire; Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo septingentesimo trigesimo septimo, decimosexto Kalendas Januarii, Pontificatus nostri Anno Octavo.

A. Card. Pro-Datarius.

Pro D. Card. Oliverio

C. Amatus.

VISA DE CURIA.

N. Antonellus.

Loco ✠ Bullæ Aureæ.

Extensio Indulti Magistris Generalibus Ordinis B. M. V. de Mercede Redemptionis Captivorum a Sede Apostolica concessi celebrandi in privatis Oratoriis Conventuum dicti Ordinis in quibus eos commorari contigerit, ad Exgenerales ejusdem Ordinis.

CCXVI.

C L E M E N S P P . X I I .

Ad futuram rei memoriam.

SI. E Xponi nobis nuper fecit dilectus filius Josephus Mez Frater expresse professus in Sacra Theologia Magister, ac Procurator Generalis Ordinis B. Mariæ Virginis de Mercede Redemptionis Captivorum, quod alias auctoritate Apostolica sub certis modo, & forma tunc expressis, tunc, & pro tempore existentibus Magistris Generalibus ejusdem Ordinis indultum fuit, ut ipsi in privato Domus suæ habitationis intra Claustra Conventuum dicti Ordinis, ubi eos pro tempore commorari contigisset, unam Missam pro unoquoque die per se ipsos celebrare libere, & licite possent, & valeret, & alias prout in Apostolicis desuper in simili forma Brevis expeditis literis, quarum tenorem præsentibus pro plene, & sufficienter expressio, ac de verbo ad verbum inserto haberi volumus, uberius dicitur contineri.

Concessio
alias Magi-
stris Genera-
libus Ordinis
facta.

§. 2. Cum autem, sicut eadem expositio subjungebat, indultum hujusmodi ad Exgenerales ejusdem Ordinis per nos extendi summopere desideret; Nos ejusdem Josephi Procuratoris Generalis votis hac in re quantum cum Domino possumus favorabiliter annuere volentes, eumque a quibuscunque excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, indultum præpositum pro tempore existentibus Magistris Generalibus Ordinis hujusmodi celebrandi in privatis Oratoriis Conventuum dicti Ordinis, in quibus eos commorari contigerit, ut præfertur concessum, ad modernos, & pro tempore existentes Exgenerales ipsius Ordinis, servata in reliquis prædictarum litterarum forma, & dispositione, Auctoritate Apostolica, tenore præsentium extendimus, & ampliamus. Non obstantibus omnibus, & singulis illis, quæ in dictis literis concessa sunt non obstat, ceterisque contrariis quibuscunque.

Extenditur
ad Exgene-
rales.

Datum Romæ apud S. Mariam Majorem sub Annulo Piscatoris die 20. Decembris 1737. Pontificatus Nostri Anno VIII.

Dat. die 20.
Decem. 1737.
An. VIII.

Confir-

CCXVII.

Confirmatio quarundam Resolutionum Congregationis Particularis pro Expositis Archihospitalis S. Spiritus in Saxia de Urbe.

C L E M E N S P P . X I I .

Ad futuram rei memoriam.

Leander Card. Portia Visitator hujus Archihospitalis cum facultate alium ad id assumendi.

§. 1. **A**lias nos nempe die 30. Septembris 1737. proxime elapsi ad Ecclesiam, Domui, Valetudinario, sive Archihospitali, mensaeque Nummulariae Sancti Spiritus in Saxia nuncupati hujus Almae Urbis nostrae rationibus opportune providendum, dilectum filium nostrum Leandrum Tit. S. Callisti Presbyterum S. R. E. Cardinalem Portiam nuncupatum Visitatorem Apostolicum cum omnibus, & singulis facultatibus necessariis, & opportunis, ac praesertim sibi in subsidium assumendi unum, aut plures Romanae Curiae Praelatos, sive personas sibi benevolas, ut quacumque ad Ecclesiam, Domus, Valetudinarium, sive Archihospitalis, mensaeque Nummulariae praedictae levamen, utilitatemque proficua, ac saluberrima statuenda, atque providenda fore existimasset, pro sua spectata fide, prudentia, doctrina, charitate, religionis zelo, ac rerum agendarum dexteritate, & experientia provideret, ac statueret, constituimus, & deputavimus, prout in aliis nostris in simili forma Brevis literis desuper expeditis, quarum tenorem praesentibus pro plene, & sufficienter expresso, & inserto haberi volumus, uberius continetur.

A Congregatione Particulari statutum, ut in unaquaque Provincia stabiliatur modus educandi Infantibus expositis.

§. 2. Cum autem inter cetera haecenus initiata consilia, adhibitaque remedia illud etiam necessarium esse judicaverit, ut aliquo pacto diminuerentur magna impendia & sumptus, qui sunt ob curam educationemque Infantium expositorum qui ex Provinciis etiam Ecclesiastici status nostri, tam extra, quam intra districtum Almae Urbis praefatae quotidie numerosissimi afferuntur, ac propterea nobis humiliter supplicaverit, ut ad hujusmodi effectum Congregationem particularem nonnullorum Venerabilium Fratrum nostrorum S. R. E. Cardinalium, aliorumque Romanae Curiae Praelatorum deputaremus, quemadmodum deputavimus, a qua quidem Congregatione particulari a nobis deputata, & habita die 7. mensis Januarii proxime praeteriti considerata, & resoluta fuerunt. I. Dictum Archihospitale impotens omnino esse ad ferendum onus admittendi, ac alendi Projectos intra, & extra Urbis Districtum natos; ac proinde. II. In incumbere unicuique respective Provinciae ex iis, ex quibus antea deferebantur ad dictum Archihospitale, ac ut id exequatur. III. In unaquaque Provincia statuendum esse locum, & modum, ut ii respective alantur. IV. Data fuit eidem Leandro visitatori facultas eligendi aliquem Praelatum, qui cum facultatibus perquam amplissimis a nobis imperandis se conferat ad dictas Provincias, ac adhibito Consilio Ordinariorum Gubernatorum, necnon Deputatorum Communitatum; Quod resolutum fuit, integre exequatur.

Hujusmodi Decretum confirmatur a Clemente.

§. 3. In quorum sequelam idem Leander visitator ad mentem Congregationis praefatae praeelegit in Praelatum ad exequendum praedicta dilectum filium Magistrum Martinum Inni cum Caraccioli in utraque Signatura nostra Referendarium. Subinde vero die 13. ejusdem mensis Januarii facta nobis omnium relatione praefatas Resolutiones approbavimus, ac pro firmiori illarum subsistentia de praesenti motu proprio, & ex certa Scientia ac matura deliberatione nostris, deque Apostolica potestatis plenitudine tenore praesentium iterum approbamus, & confirmamus illisque Apostolica firmitatis robur adjicimus.

Firmitas ha.

Bullarii Romani Contin. Pars IX.

firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari; Sicque in praemissis per quoscumque Judices Ordinarios, & delegatos etiam Causarum Palatii Apostolici Auditores, judicari, & definiri debere, ac irritum, & inane quidquid secus super his a quocumque quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 7. Februarii 1738. Pont. nostri Anno VIII.

Obstantium derogatio.

Dat. die 7. Febr. 1738. An. VIII.

Quarta pars reddituum a Patriarchali, Archiepiscopalis, & Episcopalis Ecclesiis in Portugalliae, & Algarbiorum Regnis existentibus alias dismembrata favore Dignitatum Canonicorum, & Beneficiatorum Patriarchalis Ecclesiae Ulixbonensis Occidentalis a se. re. Clemente XI., & Innocentio XIII. summis Pontificibus, ampliatur ad tertiam dictorum reddituum partem, alique Ecclesiastici redditus pro earundem Dignitatum, & Canonicorum decentiori sustentatione, & Patriarchalis Ecclesiae manutentione perpetuo applicantur.

CCXVIII.

C L E M E N S E P I S C O P U S .

Servus Servorum Dei. Ad futuram rei memoriam.

Religiosa Christianorum Principum erga divini servitii decorem vota paterno prosequimur affectu, eaque ad debitum, prout pastoralis nostri muneris sollicitudo, & laudabilis eorumdem Principum exigit devotio, perducimus implementum. Quapropter dum Nos providam nostrae considerationis aciem dirigimus ad inclitam, & vere regiam charitatem Charissimi in Christo filii nostri Joannis hoc nomine Quinti Portugalliae, & Algarbiorum Regis Illustris, qui in Regnis suis non solum temporalium, verum etiam, & praecipue spiritualium rerum sublime nomen ad divini servitii gloriam, erigendamque ad beatam Sion Populorum suorum devotionem personare, & in ejus Patriarchali Ecclesia Ulixbonensi Occidentali Coelestis Beatorum Civium Aulae imaginem exhibente in teris personas divinis obsequiis jugiter insistentes pro earum debita manutentione, & prout Patriarchalis Ecclesiae praedictae postulat dignitas, novis facultatibus, annuisque redditibus communiri, eisque sic communitis, Coelestis Aulae, ac Beatorum Civium praedictorum in Patriarchali Ecclesia hujusmodi sibi, Populisque suis elucescere majestatem piissimis, ac vere fidelissimo Rege dignis exoptat affectibus, ad desideria sua hujusmodi Apostolicae liberalitatis nostrae partes favorabiliter interponimus, prout pensatis desideriorum praedictorum erga divini servitii decorem meritis, in Domino conspiciamus salubriter expedire.

Proceum.

§. 1. Alias siquidem se. re. Clemens Papa XI. Praedecessor noster, postquam ipse Patriarchalem Ecclesiam Ulixbonensem Occidentalem ab eo erectam, & institutam, ob suorum insignia meritorum, copioso privilegiorum, & Indulgarum ac aliarum gratiarum Apostolica autoritate concessorum thesauro ditaverat, ut in ea divinarum rerum cultus suo quoque par esset decori, ejusdemque Patriarchalis Ecclesiae Ulixbonensis Occidentalis fructibus, redditibus, & pro-

Clemens XI. erectam a se Patriarchalem Ecclesiam dotavit ex dismembratione quartae partis fructuum ceterarum Ecclesiarum.

ventibus Ecclesiasticis, per quos Dignitates, Canonici, & Beneficiati, ceterique dictæ Patriarchalis Ecclesiæ Ulixbonensis Occidentalis Ministri se decenter sustentare valerent, suis quoque fulgor elucesceret, & majestas; motu ejus proprio à Prædicta Patriarchali Ulixbonensi Occidentali, ac Archiepiscopalibus, & Episcopalibus in Portugallia, & Algarbiorum Regnis consistentibus Ecclesiis quartam partem earundem fructuum, reddituum, & proventuum naturalium, industrialium, & Civilium summam triginta trium millium centum triginta septem ducatorum auri de Camera constituentem dismembravit, & separavit, & ex Cantoratus, qui ad centum quinquaginta quatuor, tertiam partem eorum, videlicet quinquaginta unum, ex Thesauraria majoris nuncupatæ, qui etiam ad centum quinquaginta quatuor, tertiam partem eorum, videlicet quinquaginta unum, ex scholastica respective Dignitatum, qui similiter ad centum quinquaginta quatuor, tertiam partem eorum, videlicet quinquaginta unum, ac ex quindecim Canonicatum, & Præbendarum Sacularis, & forsan insignis Collegiæ Ecclesiæ S. Mariæ de Alcacova Oppidi de Santarem Ulixbonensis Occidentalis Diocesis, qui videlicet quorumlibet eorum ad centum quinquaginta quatuor, & insimul ad bis mille trecentos decem, tertiam partem uniuscujusque eorum, videlicet quinquaginta unum pro quolibet; & insimul septingentos sexaginta quinque, ac ex Prioratus, qui ad trecentos octoginta quatuor, quatuor nonas partes eorum, videlicet sexaginta novem, & ex Archiepiscopatus, qui ad centum quadraginta duos, quartam partem eorum videlicet triginta quinque, & ex Thesauraria, etiam respective Dignitatum, qui ad quadringentos, quatuor nonas partes eorum, videlicet centum septuaginta octo, ac ex trium Canonicatum, & Præbendarum etiam Sacularis, & forsan insignis Collegiæ Ecclesiæ Oppidi de Barcellos Bracharensis Diocesis respective fructibus, redditibus, & proventibus, qui videlicet cujuslibet eorum ad centum triginta septem, & insimul quadringentos undecim, quartam partem eorum, videlicet triginta quinque pro quolibet, & insimul ad centum quinque, nec non ex Prioratus, qui ad quingentos viginti duos, quatuor nonas partes eorum, videlicet ducentos triginta duos, ex Cantoratus, qui ad trecentos quadraginta septem, quatuor nonas partes eorum, videlicet centum quinquaginta quatuor, ex Thesauraria etiam respective Dignitatum, qui ad ducentos sexaginta, quatuor nonas partes eorum, videlicet centum sexdecim, ac ex decem Canonicatum, & Præbendarum pariter Sacularis, & forsan insignis Collegiæ Ecclesiæ S. Mariæ de Ourem Leirienensis Diocesis respective fructibus, redditibus, & proventibus, qui videlicet cujuslibet eorum ad centum septuaginta tres ducatos auri de Camera hujusmodi annuatim respective ascendebant, & insimul mille septingentos triginta ducatos auri similes constituiebant, duas quintas partes eorum, videlicet septuaginta pro quolibet, & insimul septingentos ducatos auri pares respective constituentes, respective dismembravit, & separavit, ac S. Mariæ Oppidi de Obidos Ulixbonensis Occidentalis Diocesis, cujus quadringentorum quinquaginta octo, & S. Mariæ loci de lindoso, cujus ducentorum triginta quatuor, ac S. Jacobi loci de Anha, cujus quadringentorum octodecim, ac S. Mariæ Oppidi Chaves Bracharensis respective Diocesis, forsan habitalem tantum, nullatenus vero actua-lem curam animarum habentes Ecclesias, seu Cappellas, aut respective in eis, vel aliis respective locorum Ulixbonensis Occidentalis, & Bracharensis respective Diocesum hujusmodi, & respective Ecclesiis toridem perpetua simplicia Ecclesiastica, Prioratus, seu Abbatis, etiam

respective nuncupatas, seu nuncupata, ad, vel sub Sanctæ Mariæ, ac S. Mariæ, & S. Jacobi, nec non S. Mariæ hujusmodi respective Altaria, seu respective Invocationibus, cujus quingentorum quinquaginta trium ducatorum auri similia respective fructus, redditus, & proventus valorem annuum non excedebant, certo tuac expresso modo vacantes, seu vacantia sub certis modo, & forma tunc expressis suppressit, & extinxit; ac quartam partem omnium, & quorumcumque fructuum, reddituum, & proventuum tam naturalium, quam industrialium, & civilium Patriarchalis Ulixbonensis Occidentalis, Archiepiscopatum, & Episcopatum Ecclesiarum hujusmodi; nec non alios fructus, redditus, & proventus ex Dignitatibus, ac Canonicatum, & Præbendarum Collegiarum hujusmodi fructibus, ut præfertur dismembratam, & separatam, ac dismembratos, & separatos, nec non Ecclesiarum, seu Cappellarum, aut Beneficiorum, ut præfertur suppressarum, & extinctarum, seu suppressorum, & extinctorum hujusmodi fructus, redditus, & proventus, Dignitatibus, & Canonicatibus, & Præbendis nec non duodecim Beneficiis ejusdem Patriarchalis Ecclesiæ Ulixbonensis Occidentalis sub certis modo, & forma similiter tunc expressis Apostolica autoritate præfata Motu ejus proprio, & de Apostolica potestatis plenitudine applicavit, & assignavit, ac respective annexit, & incorporavit, ac alias prout in ejusdem Clementis Prædecessoris literis ab ejusdem recordationis Innocentio XIII. similiter Prædecessore nostro, pro eo, quod prædictus Clemens Prædecessor, antequam ipsæ desuper conficerentur, sicut Domino placuit, ab humanis decesserat, in forma *Rationi congruit* desuper expeditis sub datum videlicet apud S. Petrum anno Incarnationis Dominicæ millesimo septingentesimo vigesimo primo, quindecimo Kalendas Junii, Pontificatus sui Anno I. plenius continetur.

§. 2. Cum autem, sicut accepimus prædicti fructus, ut præfertur, applicati congruenti, ac honorifice pro tempore existentium Dignitatum, ac Canonicorum, aliorumque ministrorum eidem Patriarchali Ulixbonensi Occidentali Ecclesiæ inservientium sustentationi & decori, onerumque eidem Patriarchali Ecclesiæ Ulixbonensis Occidentali incumbendum supportationi impares esse dignoscantur; earundemque literarum Apostolicarum executio suspensa extiterit, & adhuc existat de præfatis.

§. 3. Nos igitur, qui Patriarchalem Ecclesiam Ulixbonensem Occidentalem præfata pari, paternoque prosequimur affectu probe scientes pia prædicti Joannis Regis erga divini cultus in prædicta Patriarchali Ecclesiæ Ulixbonensis Occidentali augmentum, ejusque decorem desideria, & ne diutius ipsa convenientibus suæ Dignitati, onerumque ab ipsa sustinendorum supportationi ac congruis ei famulantium manutentioni, & honorificentie orbara remaneat subfidiis; Dilectos filios modernos dictæ Patriarchalis Ecclesiæ Ulixbonensis Occidentalis Dignitates, & Canonicos, ac eorum quemlibet a quibusvis suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium tantum consequendum harum serie absolventes, & absolutos fore censentes, nec non præfati Clementis Prædecessoris literas ab Innocentio Prædecessore prædicto in dicta forma expeditas, earumque totum, & integrum tenorem præsentibus pro expressis, ac de verbo ad verbum pro insertis habentes, easque, ac omnia, & singula in eis contenta, nisi quatenus præsentibus adversentur, approbantes, confirmantes, & innovantes, & si qui desuper defectus quomodolibet intervenerint, revalidantes; Motu similiti, non ad alicujus nobis

Causæ novæ
faciendæ
concessionis.

Concessio,
de qua in Rubrica.

super